

অনুচ্ছেদ ১৯: পৃষ্ঠপোষকমণ্ডলী

ব্যাপক পরিচিতি লাভের জন্য জাহাপুর মাধ্যমিক বিদ্যালয়ের শিক্ষার্থী না হলেও সম্মান প্রদান ও বিদ্যালয়ের উন্নয়নের জন্য ১ লক্ষ বা ততোধিক টাকা আর্থিক অনুদান প্রদান সাপেক্ষে কার্যনির্বাহী কমিটি পৃষ্ঠপোষক মনোনীত করতে পারবেন।

অনুচ্ছেদ ২০: উপদেষ্টামণ্ডলী

১) সমাজের বরণ্য ও বিশিষ্ট ব্যক্তি (জাহাপুর মাধ্যমিক বিদ্যালয়ের প্রাক্তন শিক্ষার্থী/শিক্ষার্থী নন) যারা অ্যাসোসিয়েশনের কল্যাণে অবদান রাখতে পারেন তাদের কে অ্যাসোসিয়েশনের উপদেষ্টামণ্ডলীর সদস্য হিসেবে মনোনয়ন দেয়া যাবে।

২) উপদেষ্টা মণ্ডলীর সদস্য হবে ২৫ (পঁচিশ) জন, তবে কার্যনির্বাহী কমিটি প্রয়োজনবোধে এই সংখ্যা হ্রাস-বৃদ্ধি করতে পারবে।

৩) উপদেষ্টা মণ্ডলীর সদস্য প্রাথমিকভাবে কার্যনির্বাহী কমিটি মনোনীত করবে এবং পরবর্তীতে সাধারণ সভায় অবহিত করবেন।

৪) জাহাপুর মাধ্যমিক বিদ্যালয়ের পরিচালনা পর্ষদের সভাপতি এবং প্রধান শিক্ষক পদাধিকার বলে অ্যাসোসিয়েশনের উপদেষ্টামণ্ডলীর সদস্য হিসেবে গণ্য হবেন।

৫) অ্যালামনাই অ্যাসোসিয়েশন প্রতিষ্ঠাকালীন আহ্বায়ক কমিটির ৯ (নয়) জন সদস্য (পরিশিষ্ট-০১) এসোসিয়েশনে উপদেষ্টা হিসেবে বিবেচিত হবেন, তবে এর মধ্যে কেউ একই সাথে কার্যনির্বাহী কমিটির সদস্য নির্বাচিত/মনোনীত হলে উক্ত উপদেষ্টা পদ শূন্য বিবেচনায় কার্যনির্বাহী কমিটি উপদেষ্টা পদের শর্তপূরণ সাপেক্ষে নতুন উপদেষ্টা নিযুক্ত করতে পারবেন।

৬) উপদেষ্টামণ্ডলী কার্যনির্বাহী পরিষদের অনুরোধে যেকোন সভায় যোগদান করতে পারবেন এবং মতামত দিতে পারবেন। তবে সদস্য হবার যোগ্যতা না থাকলে নির্বাচনে অংশগ্রহণ ও ভোটদান করতে পারবেন না।

৭) সকল সাবেক সভাপতি পদাধিকারবলে উপদেষ্টা পরিষদে পদায়িত হবেন। তবে বিলুপ্ত কমিটির সভাপতিগণ অথবা নির্বাচন আয়োজনে অনিচ্ছুক

প্রতীয়মান হওয়া সভাপতিগণ উপদেষ্টা পরিষদের অন্তর্ভুক্ত হওয়ার অযোগ্য বলে গণ্য হবেন।

অনুচ্ছেদ ২১: ব্যাচ প্রতিনিধি

প্রত্যেক ব্যাচের (এসএসসি/মেট্রিক) ০২ (দুই) জন করে প্রতিনিধি থাকবেন তবে কার্যনির্বাহী কমিটির অনুমোদন সাপেক্ষে কোনো ব্যাচে দুই এর অধিক প্রতিনিধিও থাকতে পারবে, যারা ঐ ব্যাচের সকলের প্রতিনিধিত্ব করবেন। কেন্দ্রীয় ব্যাচ প্রতিনিধি তার এখতিয়ারভুক্ত ব্যাচ প্রতিনিধি মনোনীত করতে পারবেন অথবা নির্ধারিত যোগ্যতা থাকা সাপেক্ষে সংশ্লিষ্ট ব্যাচের দুই-তৃতীয়াংশ নিবন্ধিত সদস্যগণ তাদের পছন্দমত ব্যাচ প্রতিনিধি নিযুক্ত করতে সভাপতি বরাবর আবেদন করতে পারবেন, সভাপতি উক্ত আবেদন অনুমোদন করলে নতুন ব্যাচ প্রতিনিধি স্থলাভিষিক্ত হবেন। যে সকল প্রাক্তন অত্র বিদ্যালয় হতে এসএসসি/মেট্রিক পাশ করেননি সে সকল প্রাক্তনরে নিয়মিত ব্যাচের প্রতিনিধির সঙ্গে যুক্ত আছেন মর্মে বিবেচনা করা হবে।

ক) ব্যাচ প্রতিনিধিগণের যোগ্যতা:

- ১) কমপক্ষে এসএসসি/মেট্রিক পাশ হতে হবে।
- ২) মেধাবী হলে অগ্রাধিকার পাবে।
- ৩) ব্যাচের সকলের সাথে ভালো যোগাযোগ এবং সবার কাছে গ্রহণযোগ্য হতে হবে।
- ৪) যে কেন্দ্রীয় ব্যাচ প্রতিনিধি এবং নিজ ব্যাচের সকলের সামগ্রিক বিষয়ে সমন্বয় করতে পারবেন।
- ৫) এ কাজে পর্যাপ্ত সময় দিতে পারবেন।

খ) ব্যাচ প্রতিনিধিগণের দায়িত্ব ও কর্তব্য:

- ১) সততা ও নিষ্ঠা বজায় রেখে সকলের প্রয়োজনীয় তথ্য/ডাটাবেস দায়িত্ব প্রাপ্ত কার্যনির্বাহী কমিটির সদস্যের নিকট প্রেরণ করবেন।

২) কোনো কর্মসূচি গৃহীত হলে তা সকল ব্যাচমেট সদস্যকে অবহিত করবেন এবং উক্ত কর্মসূচিতে চাঁদা নির্ধারণ হয়ে থাকলে সকলকে চাঁদা প্রদানের মাধ্যমে কর্মসূচিতে অংশগ্রহণে উদ্বুদ্ধ করবেন।

৩) বার্ষিক চাঁদা প্রদানে উদ্বুদ্ধ করবেন এবং কিভাবে চাঁদা ও ফি পরিশোধ করতে হয় সে সম্পর্কে প্রদানসহ প্রয়োজনীয় সহযোগিতা করবেন।

৪) কেন্দ্রীয় ব্যাচ প্রতিনিধির সাথে প্রয়োজনীয় সমন্বয় সাধন করবেন।

গ) ব্যাচ প্রতিনিধিগণের অধিকার:

১) নিজ ব্যাচের প্রতিনিধি হবেন।

২) প্রয়োজনীয় যোগ্যতা থাকা ও শর্ত সাপেক্ষে কার্যনির্বাহী কমিটি কর্তৃক গঠিত কমিটি বা উপকমিটির সদস্য হতে পারবেন।

৩) ব্যাচ প্রতিনিধি হিসেবে দায়িত্ব ও কর্তব্য সফলভাবে পালন করলে কার্যনির্বাহী পরিষদে অন্তর্ভুক্ত হওয়ার অগ্রাধিকার পাবেন।

ঘ) কেন্দ্রীয় ব্যাচ প্রতিনিধি: সর্বোচ্চ প্রতি ১৫ টি ব্যাচের জন্য একজন করে প্রতিনিধি থাকবেন যিনি ঐ ১৫ ব্যাচের প্রতিনিধিগণের সাথে সমন্বয় করবেন। এছাড়াও সকল নারী প্রাক্তনগণের প্রতিনিধি হিসেবে ২ জন নারী কেন্দ্রীয় ব্যাচ প্রতিনিধি হিসেবে দায়িত্ব পালন করবেন। যে ব্যাচের কোনো ব্যাচ প্রতিনিধি পাওয়া যাবে না সে ব্যাচের ব্যাচ প্রতিনিধি হিসেবে কেন্দ্রীয় ব্যাচ প্রতিনিধি দায়িত্ব পালন করবেন। কার্যনির্বাহী কমিটি কেন্দ্রীয় ব্যাচ প্রতিনিধি মনোনীত করবেন।